

16 - 23 Սեպտեմբեր

Հարաւային հողմը ուժով կփչէ: Ծովու վրայ գտնուողներուն համբերութիւն մաղթենք. ցամաքի վրայ գտնուողներուն ալ վիճակը աղէկ չէ: Ո՞ւր ապրելու է հապա. երջանիկ ապրելու համար տեղ մը չգտնուեցաւ վերջապէս:

Ձուկը հարուստները կ'ուտեն: Միսը սուղ է: Աղքատներն ի՞նչ ուտեն:

23 - 30 Սեպտեմբեր

Ամպավար հողմեր:

Սանկ մէկդի կեցեք. քանի մը վաճառականներ կ'երերան ու կ'երերան: Սա թղթաբեր շոգենաւուն նայեցեք. քաշուած բոլոր փոխանակագիրներն յետ բերեր է:

Դրամական տագնապ:

Հացագործ մը հարուստ կարծուած էֆէնտիի մը դուռն ափ առած՝ չլսուելիք խօսքեր կ'ընէ. տան տէրը չլսելու կգարնէ իրեն ուղղուած հայհոյութիւնները:

ՀՈԿՏԵՄԲԵՐ

1 - 8 Յոկտեմբեր

Երբեմն պարզ, երբեմն խառն, երբեմն անձրեւ, երբեմն փոթորիկ:

Հարսանեաց շաբաթ. կարգուող չկայ:

Լրագիր մը մեծատուն մը կշողոքորթէ:

Ընդհանուր հազ. անոնք որ գիւղ գնացած էին՝ կդառնան ձմեռնային բնակութիւնը. օդափոխութիւնը շատերուն մազերը ճերմկցուցած է. օդափոխութենէ սնանկացողներ ալ պակաս չեն:

9 - 16 Յոկտեմբեր

Խառնակ օդ:

Երկրագործը շատ գոհ չերեւիր: